

翰林集


翰林承旨行戶部侍郎知制誥萬年韓偓致堯

雨後月中玉堂閑坐

銀臺直北金鑾外暑雨初晴皓月中唯對松篁聽刻  
 漏更無塵土翳虛空綠香熨齒冰盤果清冷侵肌水  
 殿風夜久忽聞鈴索動玉堂西畔響丁東禁署嚴密  
非本院人  
雖有公事不敢遽入至于內夫人宣事亦先引鈴每  
有文書即內臣立于門外鈴聲動本院小判官出受  
院使院授學士

六月十七日召對自辰及中方歸本院

清暑簾間散異香恩深咫尺對龍章花應洞裡嘗時





發日向壺中特地長坐久忽疑一作驚查犯斗端兼  
恐海生素如今冷咲東方朔惟用詼諧侍漢皇

與吳子華侍郎同年玉堂同直懷思叙懇因成  
長句四韻兼呈諸同年

往年鶯谷接清塵今日鼇山作侍臣二紀計偕勞筆  
硯余與子華俱久因名塲一朝宣入掌絲綸聲名烜赫文章士

金紫雍容富貴身絳帳恩深無報路語餘相顧却酸  
辛

和吳子華侍郎令狐昭化舍人歎白菊衰謝之  
絕次用本韻

正憐香雪披千片忽訝殘霞覆一叢此花將謝還似却有紅色  
妖姬長年後酒酣雙臉却微紅

中秋禁直

星斗疎明禁漏殘紫泥封後獨憑欄露和玉屑金盤  
冷月射珠光貝闕寒天視樓臺籠苑外風吹歌管下  
雲端長卿祇為長門賦未識君臣際會難

錫宴日作是歲大稔內出金幣賜百官充觀稼  
勾當後宰相一日宴於興化亭

玉銜花馬踏香街詔遣追惟綺席開中使押從天上  
去是日在外四學士排門齊入同進狀辭外人知自  
赴宴所奉宣差學士院使二人押去



邇來臣心淨比漪漣水聖澤深於澍灑盃纔有異恩  
頒履契已將優禮及鄒枚清商適向梨園降妙妓新  
行峽雨迴不敢通宵離禁直晚乘殘醉入銀臺當直  
學士  
二人至晚學士院使二人却押入直餘四人在外可  
以上夜內臣去外知熟間丞即給舍多來突宴余是  
日當直故  
有是句

侍宴

蜂黃蝶粉兩依依狎宴臨春日正遲密旨不教江令  
醉麗華微笑認皇慈

宮柳

莫道秋來芳意違宮娃猶似始娥眉幸當玉輦經過

處不怕金風浩蕩時草色長承垂地葉日華先動映  
樓枝澗松亦有凌雲分爭似移根太液池

苑中

上苑離宮處處迷相風高與露盤齊金堦鑄出後倪  
立玉柱雕成狒秣啼外使調鷹初得按五方外按使  
謂之得按中官過馬不教嘶上每乘馬必闌官馭  
以進謂之過馬既乘  
習始能擒獲  
謂之得按  
之而後 笙歌錦繡雲霄裏獨許詞臣醉似泥

辛酉歲冬十一月隨駕幸岐下作

曳裾談笑殿西頭忽聽征鏡後冕旒鳳蓋行時移紫  
氣鸞旗駐處認皇州曉題御服頒羣吏夜發宮嬪詔



列侯雨露涵濡三百載不知誰擬殺身酬

從獵三首

獵犬諳斜路宮嬪識認旗馬前雙兔起宣示羽林兒

其二

小鎗狹鞦韆輕妓細腰有時齊走馬也學唱交交

其三

蹀躞巴駟駿毳毼碧野鷄忽聞仙樂動賜酒玉偏提

冬至夜作

天復二年壬戌  
隨駕在鳳翔府

中宵忽見動葭灰料得南枝有早梅四野便應枯草  
綠九重先覺凍雲開陰冰莫向河源塞陽氣今從地

底迴不道慘舒無定分却憂蚊響又成雷

秋霖夜憶家

隨駕在  
鳳翔府

垂老何時見弟兄背燈愁泣到天明不知短髮能多  
少一滴秋霖白一莖

恩賜櫻桃分寄朝士

在岐下

未許鶯偷出漢宮上林初進半金籠蔗漿自透銀盃  
冷朱實相輝玉椀紅俱有亂離終日恨貴將滋味片  
時同霜威食藥應難近宜在紗窗繡戶中

出官經硤石縣

天復三年二  
月二十二日

謫宦過東畿所抵州名濮故里欲清明臨風堪慟哭



溪長柳似帷山暖花如醖逆旅訝簪裾南路以久無相聚野老悲陵谷暝鳥影連翩鷺孤尾盡蘇籛尚得佐悲喜方州信是皇恩沐

訪同年虞部李郎中

天復四年二月在湖南

策蹇相尋犯雪泥厨烟未動日平西門庭野水離襪鷺鄰里短牆咿啞鷄未入慶霄君擇肉畏逢華轂我吹藜地爐貰酒成狂醉更覺襟懷得喪齊

贈漁者

在湖南

箇儂居處近誅茅枳棘籬兼用荻梢盡日風靡從自掩無人筒釣是誰拋城方四面牆陰直江闊中心水

脉切我亦好閑求老伴莫嫌遷客且論交

春陰獨酌寄同年虞部李郎中

在湖南

春陰漠漠土脉潤春寒微微風意和閑啜入甲奔競態醉唱落調漁樵歌詩道揣量疑可進宦情利缺轉無多酒酣狂興依然在其柰千莖鬢雪何

奉和峽州孫舍人肇荆南重園中寄諸朝士二

篇時李常侍洵嚴諫議龜李起居殷衡李郎中

冉皆有繼和余久有是債今至湖南方暇牽課斂手何妨誤汰金敢懷私忿數羊斟直應宣室還三接未必豐城使陸沉熾炭一爐真玉性濃霜千澗老



松心私思尚有捐軀誓况是君恩萬倍深  
征途安敢更遷延冒入重圍勢使然衆果却應存若  
李五瓶唯恐竭甘泉多端莫撼三珠樹密策尋遺七  
寶鞭黃篋舫中梅雨裏野人無事日高眠

雪中過重湖信筆偶題

道方時險擬如何謫去甘心隱薜蘿青草湖將天暗  
合白頭浪與雪相和旗亭臘耐踰年熟水國春寒向  
晚多處困不忙仍不怨醉來唯是欲傴僂

寄湖南從事

索寞襟懷酒半醒無人一為解餘醒岸頭柳色春將

盡船背雨聲天欲明去國正悲同旅雁隔江何忍更  
啼鶯蓮花幕下風流客試與溫存謹逐情

翫水禽

在湖南醴陵縣

兩兩珍禽渺渺溪翠襟紅掌淨無泥向陽眠處莎成  
毯踏水飛時浪作梯依倚雕梁輕社燕抑揚金距笑  
晨雞勸君細認漁翁意莫遣緼羅誤穩棲

早詠雪梅有懷親屬

北陸候纔變南枝花已開無人同悵望把酒獨徘徊  
凍白雪為伴寒香風是媒何因逢越使腸斷謫仙材

欲明

在醴陵



欲雨籬被風吹倒過午門因客到聞忍苦可能遭鬼  
笑息機應免致鷗猜岳僧互乞新詩去酒保頻徵舊  
債來唯存狂吟與沉飲時時猶自觸靈臺

梅花

梅花不肯傍春光自向深冬有艷陽龍笛遠吹胡地  
月燕釵初試漢宮粧風雖強暴翻添思雪欲侵凌更  
助香應咲暫時桃李樹盜天和氣作年芳

小隱

借得茅齋岳麓西擬將身世老鋤犁清晨向市烟舍  
郭寒夜歸村月照溪爐爲憲明僧偶坐松因雪折鳥

驚啼靈椿朝菌由來事却笑莊生始歎齊

睡黑

古木侵天日已沉露華凉冷潤衣襟江城睡黑人行  
絕唯有啼鳥伴夜砧

曉日

天際霞光入水中水中天際一時紅直從日觀三更  
後日觀峯半首送金烏上碧空

醉著

萬里清江萬里天一村桑柘一村烟漁翁醉著無人  
喚過午醒來雪滿船



柳

一籠金線拂彎橋幾被兒童損細腰無素靈和標格  
在春來依舊裏長條

病中初開復官二首

抽毫連夜待明光執勒三年從省方燒玉謾勞曾歷  
試鑠金寧為欠周防也知恩澤招讒口還痛神祇誤  
直腸聞道復官翻涕泗屬車何在水茫茫  
又掛朝衣一自驚始知天意重推誠青雲有路通還  
去白髮無私健亦生曾避暖池將浴鳳却同寒谷乍  
遷鶯宦途巖嶮終難測穩泊漁舟隱姓名

早起五言三韻

萬樹綠楊垂千般黃鳥語庭花風雨餘岑寂如村塢  
依依官渡頭晴陽照行旅

家書後批二十八字

在醴陵時聞家在登州

四序風光揔是愁鬢毛衰颯涕橫流此書未到心先  
到想在孤城海岸頭

湖南梅花一冬再發偶題於花榭

湘浦梅花兩度開直應天意別栽培玉為通體依稀  
見香號返魂容易迴寒氣與君霜裏退陽和為爾臘  
前來妖桃莫倚東風勢調鼎何曾用不材



即目

萬古離懷憎物色幾生愁緒溺風光廢城沃土肥春  
草野度空船蕩夕陽倚道向人多脉脉為情因酒易  
張張官途棄擲須甘分迴避紅塵是所長

淨興寺杜鵑一株繁艷無比

一園紅艷醉陂陀自地連稍簇舊羅蜀魄未歸長滴  
血祇應偏滴此叢多

花時與錢尊師同醉因成二十字

橋下淺深水竹間紅白花酒仙同避世何用假長沙

避地

西山爽氣生襟袖南浦離愁入夢魂人泊孤舟青草  
岸鳥鳴高樹夕陽村偷生亦似符天意未死深疑負  
國恩白面兒郎猶巧宦不知誰與正乾坤

息兵

漸覺人心望息兵老儒希覲見澄清正當困辱殊輕  
死已過艱危却戀生多難始應彰勁節至公安肯為  
虛名暫時胯下何須恥自有蒼蒼鑒赤誠

翠碧鳥以上並在  
禮陵作

天長水遠網羅稀保得重重翠碧依挾彈小兒多害  
物勸君莫近市朝飛



贈孫仁本尊師在表州

齒如冰雪髮如鬢幾百年來醉似泥不共世人爭得  
失卧床前有上天梯

乙丑歲九月在蕭灘鎮駐泊兩月忽得商馬楊  
迺負外書賀余復除戎曹依舊承旨還絨後因

批四十字

旅遇在江郊秋風正寂寥紫泥虛寵獎白髮已漁樵  
事往悽涼在時危志氣銷若爲將朽質猶擬杖於朝  
丙寅二月二十二日撫州如歸館雨中有懷諸

朝客

悽悽惻惻又微頰欲語羈愁憶故人薄酒旋醒寒徹  
夜好花虛謝雨藏春萍蓬已恨爲逋客江嶺那知見  
侍臣未必交情繫貧富柴門自古少車塵

三月二十七日自撫州往南城縣舟行見拂水

薔薇因有是作

江中春雨波浪肥石上野花枝葉瘦枝低波高如有  
情浪去枝留如力闌綠刺紅房戰裏時吳娃越艷醺  
酣後且將濁酒伴清吟酒逸吟狂輕宇宙

荔枝三首

丙寅年秋到福州  
自此後並福州作

遐方不許貢珍竒密詔唯教進荔枝漢武碧桃爭比



得枉令方朔號偷兒

封開玉籠鷄冠澁葉觀金盤鶴頂鮮想得佳人微啓  
齒翠釵先取一雙懸

巧裁霞片裏神漿崖窈天然有異香應是仙人金掌  
露結成冰入舊羅囊

寄上兄長

兩地支離路八千襟懷悽愴鬢蒼然亂來未必長團  
會其柰而今更長年

寶劍

困極還應有甚通難將糞壤掩神蹤斗間紫氣分明

後擘地成川看化龍

登南神光寺塔院

無柰離腸日九迴強摠離抱立高臺中華地向城邊  
盡外國雲從鳥上來四序有花長見雨一冬無雪却  
聞雷日宮紫氣生冠冕試望扶桑病眼開

兩賢

賣卜巖將賣餅孫兩賢高趣恐難倫而今若有逃名  
者應被品流呼差人

再思

暴殄猶來是片時無人向此略遲疑流金鑠石玉長



潤敗柳凋花松不知但保行藏天是證真矜纖巧鬼  
難欺近來更得窮經力好事臨行亦再思

有矚

晚涼閑步向江亭默默看書旋旋行風轉滯帆狂得  
勢潮來諸水寂無聲誰將覆轍詢長策顏把勢絲屬  
老成安石本懷經濟意何妨一起為蒼生

秋深閑興

此心兼笑野雲忙甘得貧閑味甚長病起乍嘗新橘  
柚秋深初換熟衣裳晴來喜鵲無窮語雨後寒花特  
地香把釣覆碁兼擊白不離名教可顛狂

故都

故都遙想草萋萋上帝深疑亦自迷塞鴈已侵池藥  
宿宮鴉猶戀女牆啼天涯烈士空垂涕地下強魂必  
噬臍掩鼻計成終不覺馮驩無路數鳴雞

夢仙

紫霄宮闕五雲芝九級壇前再拜時鶴舞鹿眠春草  
遠山高水潤夕陽遲每嗟阮肇歸何速深羨張騫去  
不疑深練純陽功力在此心唯有玉皇知

贈吳顛尊師 丙寅年作

飲酒經何代休糧度此生跡應當自澆顛亦強為名



道若干鈞重身如一羽輕毫釐分象緯袒跣揖公卿  
狗竇號光逸漁陽裸禰衡笑雷冬蟄震巖電夜珠明  
月消侵簪冷江光逼履清半酣思救世一手擬扶傾  
繫地嗟衰俗看天貯不平自緣懷氣義可是計烹亨  
議論通三教年顏稱五更老狂人不厭容行鬼應驚  
未識心相許開襟語便誠伊余常仗義願拜十年兄

送人棄官入道

仙李濃陰潤皇枝密葉敷俊才輕折桂捷逐取紆朱  
新繼三清路揚鞭五達衢側身期破的縮手待呼盧  
社稷俄如綴雄豪詎守株忸怩非壯志擺脫是良圖

塵土留難住纓綬棄若無冥心歸大道回首笑吾徒  
酒律應難勉詩魔未肯徂他年如拔宅為我指清都

感事三十四韻丁卯己後

紫殿承恩歲金鑿入直年人歸三島路日過八花埭  
鴛鴦皆迴席阜夔六慕羶慶霄舒羽翼塵世有神仙  
雖遇河清聖慙非岳降賢皇慈容散拙公議逼陶甄  
江揔參文會陳暄侍狎筵腐儒親帝座太史認星躔  
側弁聆神笑濡毫俟密宣宮司持玉硯書省擘香牋  
宮司書省皆唯理心無黨憐才膝屢前焦勞皆實錄  
宮人職名宵旰豈虛傳始議新堯曆將期整舜絃  
上自出東內  
幽辱勵心底



政延接丞相之暇日在直學士詢以理道將致昇平去梯言必盡仄席意弥堅  
上相思懲惡中人詎省憊鹿窮唯觝觸免急且獯豕  
本是謀賒死因之致劫遷氛霾言下合日月暗中懸  
恭顯誠甘罪韋平亦恃權畏聞巢幕險寧竊積薪燃  
諒直尋鉗口奸纖蓋比肩晉讒終不解魯瘡意難痊  
祗擬誅黃皓何曾識霸先族焚翻醜正養虎歎未全  
萬乘相塵裏千官劍戟邊斗魁當北拆地軸向西偏  
表董非徒尔師昭豈偶然中原成劫火東海遂桑田  
滅血慙稽紹遲行笑褚淵四夷同效順一命敢虛捐  
山岳還青嶺穹蒼舊碧鮮獨夫長喙泣多士已忘筌

懔懔空狂叫微微幾病癲丹梯倚寥廓終去問青天

向隅

守道得途遲中魚遇亂離剛腸成繞指玄髮轉垂絲  
客路少安處病床無穩時弟兄消息絕獨飲向隅翁

社後

社後重陽近雲天淡薄間目隨茶客靜心共睡僧閑  
歸鳥城銜日殘虹雨在山竈寥思晤語何夕款柴關

息慮

息慮狎羣鷗行藏合自由春寒宜酒病夜雨入鄉愁  
道向危時見官目亂世休外人相待淺獨說濟川舟



早起探春

勾芒一夜長精神  
臘後風頭已見春  
烟柳半眠藏利  
臉雪梅含笑  
綻香昏漸因閑暇  
思量酒必慙顛狂  
泥  
摸人若箇高情能似我  
且應欹枕睡清晨

味道

如含瓦礫竟何功  
癡點相兼似得中  
心繫是非徒悵  
望事須光景旋虛空  
昇沉不定都如夢  
毀譽無恒却  
要聾聵者甚多應  
扼腕任他閑處指冥鴻

袁娜

袁娜腰支淡薄粧  
六朝宮樣窄衣裳  
著詞暫見櫻桃

破飛醜微聞豆蔻香  
春惱情懷身覺瘦  
酒添顏色粉  
生光此心不敢分明道  
風月應知暗斷腸

秋郊閑望有感

楓葉微紅近有霜  
碧雲秋色滿吳鄉  
魚衝駭浪雪鱗  
健鴉閃夕陽  
金背光心為感知  
長恡感鬢緣經亂  
早  
蒼浪可憐廣武山  
前語楚漢虛教作戰場

李太舍池上翫紅薇醉題

花低池小水泮泮  
花落池心片片輕  
醕酏不能羞白  
鬢顛狂猶自睜紅英  
乍為旅客顏常厚  
每見同人眼  
暫明京洛林園  
歸未得天涯相顧一含情

余寓汀沙州縣病中聞前鄭左丞璘隨外鎮舉  
薦赴洛兼云繼有急徵旋見脂轄因作七言四

韻戲以贈之或冀其感悟也

己巳年

莫恨當年入用遲通材何處不逢知桑田變後新舟  
撤華表歸來舊路歧公幹寂寥甘坐廢子牟憔悴促  
行期移都已改侯王第惆悵沙堤別築基

又一絕請為中達京洛親交知余病廢

鬢惹新霜耳舊聾眼昏腰曲四肢風交親若要知形  
候嵐嶂烟中折臂翁

夢中作

紫宸初啟列鴛鴦直向龍墀對揖班九曜再新環北  
極萬方依舊祝南山禮容肅睦纓綉外和氣熏蒸劍  
履間扇合却循黃道退廟堂談笑百司閑

己巳年正月十二日自沙縣抵邵武軍將謀撫  
信之行到纔一夕為閩相急脚相召卻請赴沙  
縣郊外泊船偶成一篇

訪戴船迴郊外泊故鄉何處望天涯半明半暗山村  
日自落自開江廟花數畝綠醅桑落酒一甌香沫火  
前茶

建溪灘波心日驚眩余平生溺奇境今則畏怯



不暇因書二十八字

長貪山水羨漁樵自笑揚鞭趁早朝今日建溪驚恐  
後李將軍畫也須燒

白沙縣抵尤溪縣值泉州軍過後村落皆空目  
有一絕此後庚午年

水自潺湲日自斜盡無鷄犬有鳴鴉千村萬落如寒  
食不見人烟空見花

此翁此後在桃花場

高閣羣公莫忌儂儂心不在宦名中巖光一唾垂綫  
紫何徹三遺大帶紅金勁任從千口鏢玉寒曾試幾

爐烘唯應鬼眼兼天眼窺見行藏信此翁

多情

天遣多情不自持多情兼與病相宜蜂偷野蜜初嘗  
慶鶯惜含桃欲咽時酒蕩襟懷微巨我春牽情緒更  
融怡水香剩貯金盃裏瓊樹長須浸一枝

失鶴

正憐標格出華亭况是昂藏入相經碧落順風初得  
志故巢因雨却聞腥幾時翔集來華表每日沉吟看  
盡屏為報鷄群虛嫉妬紅塵向上有青冥

卜隱



屏跡還應減是非却憂藍玉又光輝  
桑梢出舍蠶初老柳絮蓋溪魚正肥  
世亂豈容長愜意景清還覺易忘機  
世間華美無心問藜藿充腸芋作衣

晨興

曉景山河爽閑居巷陌清已能消滯念  
兼得散餘醒汲水人初起迴燈燕暫驚  
放懷殊未足圖隙已塵生

暴雨

電尾燒黑雲雨脚飛銀線急點滅池心  
微烟昏水面氣涼氛祲消暑退松篁健  
叢蓼亞頰葦擎荷翻綠扇夙期誰與同  
逸趣余探遍欲去更遲留肯中久交戰

小院避暑

行樂江郊追涼山寺中靜陰生晚綠  
寂慮延清風運塞地維窄氣蘇天宇空  
何人識幽抱目送冥冥鴻

閑興

景寂有玄味韻高無俗情他山水雪解  
此水波瀾生影重驗花密滴稀知酒清  
忙人嘗擾擾安得心和平

漫作二首

暑雨灑和氣香風吹日華  
瞬龍驚汗漫翫鳳綵雲霞  
玄圃珠為樹天池玉作沙  
丹青能幾級何必待乘槎

其二



黍谷純陽入鸞霄瑞彩生岳靈分正氣仙衛借神兵  
汗俗迎風變虛懷遇物傾千鈞將一羽輕重在平衡  
騰騰  
八年流落醉騰騰點檢行藏喜不勝烏帽素餐兼施  
藥前生多恐是詩僧

寄隱者

煙郭雲扃路不遙懷賢猶恨太迢迢長松夜落釵千  
股小港春添水半腰已約病身拋印綬不嫌門巷似  
漁樵渭濱晦迹南陽卧若比吾徒更寂寥

閑居

厭聞趨競喜閑居自種蕪菁亦自鋤麋鹿跳梁憂觸  
撥鷹鷂搏擊恐麓踈拙謀却為多循理所短深慚盡  
信書刀尺不虧繩墨在莫疑張翰戀鱸魚

僧影

山色依然僧已亡竹間踈磬隔殘陽智燈已滅餘空  
爐猶自光明照十方

洞庭翫月

洞庭湖上清秋月月皎湖寬萬頃霜玉梳深沉潭底  
白金杯細碎浪頭光寒鷺鳥鵲離巢噪冷射蛟螭換  
窟藏更憶遙臺逢此夜水晶宮殿挹瓊漿



贈隱逸

靜景須教靜者尋，清狂何必在山陰。  
風穿窓紙塵侵硯，鳥闌庭花露滴琴。  
方咲亂離纔解印，猶勝顛蹶未抽簪。  
築金總得非名士，况是無人解築金。

南浦

月若半環雲若吐，高樓簾捲當南浦。  
應是石城艇子來，兩漿伊啞過花塢。  
正直連霄酒未醒，不宜此際魚微雨。  
直教筆底有文星，亦應難狀分明苦。

桃林場客舍之前有池半畝，木槿柳比闕水遶山，因命僕夫運斤梳沐，豁然清朗，復視太虛，因

作五言八韻

挿槿作藩籬，叢生覆小池。  
爲能妨遠目，因遣去閑枝。  
隣叟偷來賞，棲禽欲下疑。  
虛空無障處，蒙閉有開時。  
葦鷺憐瀟灑，泥鰯畏日曦。  
稍寬春水面，盡見晚山眉。  
岸穩人偷釣，堦明日上基。  
世間多弊事，事事要良醫。

中秋寄楊學士

鱗差甲子漸衰遲，依舊年年困亂離。  
八月夜長鄉思切，鬢邊添得幾莖絲。

寄禪師

他心明與此心同，妙用忘言理暗通。  
氣運陰陽成世

界水浮天地寄虛空刻仄聚散銖鎰黑日御奔馳  
粟紅萬物盡遭風鼓動唯應禪室靜無風

清興

陰沉天氣連翩醉摘索花枝料峭寒擁鼻透廊吟看  
雨不知遺却竹皮冠

深院

鵝兒唼唼梳黃嘴鳳子輕盈膩粉腰深院下簾人畫  
寢紅薔薇架碧芭蕉

淒淒

深將寵辱齊往往亦淒淒白日知丹抱青雲有舊谿

嗜醜凌魯濟惡潔助淫泥風雨今如晦堪憐報曉鷄

火蛾

陽光不照臨積陰生此類非無惜死心素有滅明意  
粧穿粉焰隼翅撲蘭膏涕爲爾一傷嗟自棄非天棄

信筆

春風狂似虎春浪白于鵝柳密藏煙易松長見日多  
石岷採芝叟鄉俗摘茶歌道在無伊鬱天將素尔何

雷公

閑人倚柱笑雷公又向深山霹靂怪松必若有蘇天下  
意何如驚起武侯龍



船頭

兩岼綠蕪齊似翦  
掩映雲山相向晚  
船頭獨立望長空  
日艷波光逼人眼

喜涼

爐炭燒人百疾生  
鳳狂龍躁減心情  
四山毒瘴乾坤濁  
一簟涼風世界清  
楚詞忽驚淒玉柱  
漢宮應已濕金莖  
豪強頓息蛙肩吻  
爽利重新鵲眼睛  
穩想海查朝犯斗  
健思胡馬夜翻營  
東南亦是中華分  
蒸鬱相凌太不平

天鑒

何勞諂笑學趨時  
務實清修勝用機  
猛虎十年搖尾立  
蒼鷹一旦醒心飛  
神依正道終潛衛  
天鑒衷腸競不違  
事歷艱難人始重  
九層成後喜從微

江岸閑步

此後壬申年  
作在南安縣

一手攜書一杖筇  
出門何處覓情通  
立談禪客傳心印  
坐睡漁師著背蓬  
青布旗誇千日酒  
白頭浪吼半江風  
淮陰市裏人相見  
盡道途窮未必窮

野塘

侵曉乘涼偶獨來  
不因魚躍見萍開  
卷荷忽被微風觸  
瀉下清香露一盃

閨怨

時光潛去暗淒涼  
嬾對菱花暈晚粧  
初拆鞦韆人寂寞  
後園青草任他長

余卧疾深村聞一二郎官今稱繼使聞越咲余  
返古潛于異鄉聞之因成此篇

枕流方採北山薇  
驛騎交迎市道兒  
霧豹祇憂無石室  
泥鰌唯要有洿池  
不羞莽卓黃金印  
却笑羲皇白接羅  
莫負美名書信史  
清風掃地更無遺

安貧

手慵風展一行書  
眼暗休尋九局圖  
窓裏日光飛野

馬案頭筠管長蒲  
虛謀身拙為安蛇  
足報國危曾捋虎鬚  
滿世可能無默識  
未知誰擬試齊竽

殘春旅舍

旅舍殘春宿雨晴  
恍然心地憶咸京  
樹頭蜂抱花鬚落  
池面魚吹柳絮行  
禪伏詩魔歸靜域  
酒衝愁陳出奇兵  
兩染免被塵埃汚  
拂拭朝簪待眼明

鵲

偏承雨露潤毛衣  
黑白分明衆所知  
高處營巢親鳳閣  
靜時閑語上龍墀  
化為金印新祥瑞  
飛向銀河舊路岐  
莫怪天涯棲不穩  
託身須是萬年枝



露

鶴非千歲飲猶難  
鴛台偷含豈自安  
光濕最宜菴菊  
亞蕩搖無柰  
綠荷乾名因霈澤  
隨天曉分與濃霜  
保歲寒五色呈祥  
須得慶憂雲仙掌  
有金盤

贈僧

盡說歸山避戰塵  
幾人終肯別囂氛  
瓶添澗水盛將  
月衲掛松枝  
惹得雲三接  
舊承前席遇一靈  
今用戒香煙  
相逢莫話金鑿事  
觸撥傷心不願聞

感舊

省趨弘閣侍貂璫  
指座思深刻寸腸  
秦苑已荒空  
逝水楚天無恨更斜陽  
時昏却咲朱絃直  
事過方開鎖骨香  
入室故寮流落盡  
路人惆悵見靈光

即日

動非求進靜非禪  
昨舌吞聲過十年  
溪漲浪花如積石  
雨晴雲葉似連錢  
干戈歲久請戎事  
枕簟秋深減夜眠  
攻苦慣來無不可  
寸心如水但澄鮮

八月六日作四首

日離黃道十年昏  
斂手重開造化門  
大帝動爐銷劍戟  
風師吹雨洗乾坤  
左牽犬馬誠難測  
右袒簪纓最負恩  
丹筆不知誰定罪  
莫留遺跡怨神孫



嘉本集  
金虎捷災不復論構成狂樹犯車塵御衣空惜侍中  
血國壘幾危皇后身圖霸未能知盜道飾非唯欲害  
仁人黃旗紫氣今仍舊免使老臣攀畫輪  
簪裾皆是漢公卿盡作鋒銑劍血腥顯負舊恩歸亂  
主難教新國用輕刑穴中狡免終須盡井上嬰兒豈  
自寧底事亦疑懲未了更應書罪在泉扃  
坐看苞藏負國恩無才不得預經綸袁安墜睫尋憂  
漢賈誼濡毫但過秦威鳳鬼應遮矢射靈犀天與隔  
埃塵隄防瓜李能終始免愧於心負此身

驛步

癸酉年在  
南安縣

暫息征車病眼開况穿松竹入樓臺江流燈影向東  
去樹遞雨聲從北來物近劉輿招垢賦風經庾亮污  
塵埃高情自古多惆悵賴有南華養不材

訪隱者過沉醉書其門而歸

曉入江村覓釣翁釣翁沉醉酒缸空夜來風起閑花  
落狼籍柴門鳥徑中

踈雨

踈雨從來送疾雷小庭涼氣淨莓苔卷簾燕子穿人  
去洗硯魚兒觸手來但欲進賢求上賞唯將拯溺作  
良媒戎衣一掛清天下傳野非無濟世材



南安寓止

此地三年偶寄家，枳籬茅廡共桑麻。  
蝶矜翅暖徐窺草，蜂倚身輕凝鬣看花。  
天近函關屯瑞氣，水侵吳甸浸晴霞。  
豈知卜肆嚴夫子，潛指星機認海查。

夜閨

輕風擣磔動簾鈎，猶自醺酣未卸頭。  
但覺夜深花有露，不知人靜月當樓。  
何郎燈暗誰能詠，韓壽香燃亦任偷。  
敲拆玉釵歌轉咽，一聲聲入兩眉愁。

十月七日早起作時氣疾初愈

疾愈身輕覺數通，山無嵐瘴海無風。  
陽精欲去陰精

落天地苞含紫氣中

有感

堅辭羽葆與吹簫，翻向天涯困繫匏。  
故老未曾忘炙背，何人終擬問苞茅。  
融風漸暖將迴雁，潞水猶腥近斬蛟。  
萬里關山如咫尺，女林唯待鳳歸巢。

觀鷄鬪偶作

何曾解報稻梁恩，金距花冠氣過雲。  
白日衆鳴無意問，唯將芥羽害同群。

蜻蜓

碧玉眼睛雲母翅，輕於粉蝶瘦於蜂。  
生來迎拂波光

久豈是殷勤為蓼叢

即目

書牆暗記移花日  
洗甕先知醞酒期  
須知閑人有忙事  
早來衝雨覓漁師

寄隣莊道侶

聞說經旬不啓關  
藥窓誰伴醉開顏  
夜來雪壓村前竹  
剩見溪南幾尺山

初赴期集

輕寒着背雨淒淒  
九陌無塵未有泥  
還是平時舊滋味  
慢垂鞭袖過街西

惜花

皺白離情高處切  
膩香愁態靜中深  
眼隨片片沿流去  
恨滿枝枝被雨淋  
揔得苔遮猶慰意  
若交泥污更傷心  
臨軒一盞悲春酒  
明日池塘是綠陰

半醉

水向東流竟不回  
紅顏白髮遞相催  
壯心暗逐高歌盡  
往事空因半醉來  
雲護鴈霜籠淡月  
雨連鸞曉落殘梅  
西樓悵望芳菲節  
處處斜陽草似苔

春盡

惜春連日醉昏昏  
醉後衣裳見酒痕  
細水浮花歸別



澗斷雲含雨入孤村人閑易有芳時恨地勝難招自  
古冤慙愧流鶯相厚意清晨猶為到西園

睡起

睡起牆陰下藥欄瓦松花白閉柴闌新年不出僧嫌  
癖逐日無機鶴伴閑塵土莫尋行止處烟波長在夢  
兔間終撐舴舺稱漁叟賒買湖心一崦山

寄友人

傷時惜別心交加搢願一向千咨嗟曠野風吹寒食  
月廣庭烟着黃昏花長擬醺酣遺世事若為局促問  
生涯夫君亦是多情者幾處將愁殢酒家

見別離者因贈之

征人草草盡戎裝征馬蕭蕭立路傍樽酒闌珊將遠  
別秋山灑逸更斜陽白髭兄弟中年後瘴海程途萬  
里長曾向天涯懷此恨見君嗚咽更淒涼

傷亂

岸上花根惣倒垂水中花影幾千枝一枝一影寒山  
裏野水野花清露時故國幾年猶戰鬪異鄉終日見  
旌旗交親流落身羸病誰在誰亡兩不知

南亭

每日在南亭南亭似僧院人語靜先聞鳥啼深不見

松瘦石稜稜山光溪澗澗  
澗澗蔓墜長茸島花垂小菴  
行簪隱士冠卧讀先賢傳  
更有興來時取琴彈一遍

太平谷中翫水上花

山頭水從雲外落水面花自山中來  
一溪紅點我獨惜幾樹密房誰見開  
應有妖菟隨暮雨豈無香跡在  
蒼苔凝眸不覺斜陽盡忘逐樵人躡石回

雨

坐來簌簌山風急山雨隨風暗原隰樹帶繁聲出竹  
聞溪將大點穿籬入餉婦寥翹布領寒牧童擁腫蓑  
衣濕此時高味共誰論擁鼻吟詩空佇立

幽獨

幽獨起侵晨山鶯啼更早門巷掩蕭條落花滿芳草  
烟愁菟共遠春與人同老默默又依依凄然此懷抱

江行

浪撼青山江北岸雲含黑雨日西邊舟人偶語憂風色  
行客無聊罷畫賊爭似槐花九衢裏馬蹄安穩慢  
垂鞭

漢江行次

村寺雖深已暗知幡竿殘日迥依依沙頭有廟青林  
合驛步無人白鳥飛牧笛自由隨草遠漁歌得意扣



舫歸竹園相接春波暖痛憶家鄉舊釣磯

偶題

俟時輕進固相妨寶行丹心仗彼蒼蕭艾轉肥蘭蕙  
瘦可能天亦妬馨香

湖南絕少含桃偶有人以新摘者見惠感事傷

懷因成四韻

時節雖同氣候殊不知堪薦寢園無合充鳳食留三  
島誰許鶯偷過五湖苦笋恐難同象匕秦中為櫻笋  
之會乃三月  
也酪漿無復瑩瓊珠湖南無牛  
酪之味金鑿歲歲長宣賜忍  
淚看天憶帝都每歲初進之後  
先宣賜學士

隰州新驛

盛德已圖形胡為忽搆兵燎原雖自及誅亂不無名  
擲鼠須防誤連雞莫憚驚本期將係虜末策但嬰城  
肘腋人情變朝廷物論生果聞荒谷縊旋觀葉街烹  
帝怒今方息時危喜暫清始終俱以此天意甚分明  
亂後春日途經野塘

世亂他鄉見落梅野塘晴暖獨徘徊船衝水鳥飛還  
住袖拂楊花去却來季重舊遊多喪逝子山新賦極  
悲哀眼看朝市成陵谷始信昆明是劫灰

贈易卜崔江處士袁州



白首窮經通祕義青山養老度危時門傳組綬身能  
退家學樵漁跡更奇四海盡聞龜策妙九霄堪嘆鶴  
書遲壺中日月將何用借與閑人試一窺

過臨淮故里

交遊昔歲已凋零第宅今來亦變更舊廟荒涼時饗  
絕諸孫飢凍一官成五湖竟負他年志百戰空垂異  
代名榮盛幾何流落久遣人襟抱薄浮生

贈湖南李思齊處士

兩板船頭濁酒壺七絲琴畔白髭鬚三春日日黃梅  
雨孤客年年青草湖燕俠冰霜雜狎近楚狂鋒刃觸

允愚知余絕粒窺仙事許到名山看藥爐

亂後却至近甸有感 乙卯年作

狂童容易犯金門比屋齊人作旅魂夜戶不為生茂  
草春渠自溢浸荒園關中却見屯邊卒塞外翻開有  
漢村堪恨無情清渭水渺茫依舊遶秦原

同年前虞部李郎中自長沙赴行在余以紫石  
硯贈之賦詩代書

斧柯新樣勝珠璣堪贊星郎染翰時不向東垣脩直  
疏即須西掖草妍詞紫光稱近冊書筆聲韻宜裁錦  
繡詩蓬岳侍臣今放逐羨君回去逼龍墀



甲子歲夏五月自長沙抵醴陵貴就深僻以便  
踈慵由道林之南步步勝絕去綠口分東入南  
小江山水益秀村籬之次忽見紫薇花因思玉  
堂及西掖廳前皆植是花遂賦詩四韻聊寄知  
心  
職在內庭宮闕下廳前皆種紫薇花眼明忽傍漁家  
見蕊新方驚鳳闕賒淺色暈成宮裏錦濃香染着洞  
中霞此行若遇支機石又被君平驗海查

和王舍人撫州飲席贈韋司空

樓臺掩映入春寒絲竹錚鏦向夜闌席上弟兄皆杞

梓花前賓客盡鴛鴦孫弘莫惜頻開閣韓信終期別  
築壇削玉風姿官水土黑頭公自古未難

避地寒食

避地淹留已自悲况逢寒食欲沾衣濃春孤館人愁  
坐斜日空園花亂飛路辱漸憂知己薄時危又與賞  
心違一名所繫無窮事爭敢當年便息機

有瞞

晚涼閑步向江亭默默看書旋旋行風轉滯帆狂得  
勢潮來渚水寂無聲誰將覆轍詢長策願把棼絲屬  
老成安石本懷經濟意何妨一起為蒼生

山驛

參差西北數行雁  
寥落東方幾片雲  
疊石小松張水  
却暗山寒雨  
李將軍秋花粉黛  
宜無味  
獨鳥笙篁稱  
靜聞瀟灑  
衿靈遺世慮  
驛樓紅葉自紛紛

早發藍關

關門愁立候雞鳴  
搜景馳魂入杳冥  
雲外日隨千里  
雁山根霜共一潭  
星路盤暫見樵人火  
棧轉時聞驛使鈴  
自問辛勤緣底事  
半年驅馬傍長亭

深村

甘向一作老深村固不材  
猶勝推折傍塵埃  
清宵翫月

唯紅葉未日關門  
但綠苔幽院菊荒  
同寂寞野橋僧  
去獨徘徊  
隔籬農叟遙相賀  
膏雨來

重遊曲江

追尋前事立江汀  
漁者應聞太息聲  
避客野鷗如有  
感  
拊花微雪似無情  
疎林自覺長堤在  
春水空連古岸平  
惆悵引人還到夜  
鞭鞘風冷柳烟輕

三月

幸夷才謝小桃發  
踏青過後寒食前  
四時最好是三月  
一去不迴唯少年  
吳國地遙江接海  
漢陵魂斷草連天  
新愁舊恨真無素  
須就隣家甕底眠



秋村

稻壟蓼紅溝水清  
荻園葉白秋日明  
空坡路細見騎  
過遠田人靜  
聞水行  
柴門狼籍牛羊氣  
竹塢幽深鷄犬聲  
絕粒看經香一炷  
心知無事即長生

殘花

餘霞殘雪幾多在  
萼香冶態猶無窮  
黃昏月下惆悵  
白清明雨後  
寥梢紅樹底  
草齊千片淨  
墻頭風急數  
枝空西園此日傷  
心處一曲高歌水向東

夜船

野雲低迷烟蒼蒼  
平波揮日如凝霜  
月明船上簾幕

捲露重岸頭花  
木香村遠夜深無  
火燭江寒坐久換  
衣裳誠知不覺天  
將曙幾簇青山鴈一行

傷春

三月光景不忍看  
五陵春色何摧殘  
窮途得志反惆悵  
飲席話舊多闌珊  
中酒向陽成美睡  
惜花衝雨覺傷寒  
野棠飛盡蒲根暖  
寂寞南溪倚釣竿

歸紫閣下

一笈攜歸紫閣峰  
馬蹄閑慢水溶溶  
黃昏後見山田  
火隴聰時聞縣郭  
鍾瘦竹迸生僧坐石  
野藤纏殺鶴  
翹松釣磯自別經  
秋雨長得莓苔更幾重

夜坐

天似空江星似波時時珠露滴圓荷平生蹤跡慕真  
隱此夕襟懷深自多格是厭厭饒酒病終須的的學  
漁歌無名無位堪休去猶擬朝衣換釣蓑

午寢夢江外兄弟

長夏居閑門不開遠門青草絕塵埃空庭日午獨眠  
覺旅夢天涯相見迴鬢向此時應有雪心從別處即  
成灰如何水陸三千里幾月書却始一來

曲江夜思

鼓聲將絕月斜痕園外閑坊半掩門池裏紅蓮迎白  
露苑中青草伴黃昏林塘間寂偏宜夜烟火稀疎便  
似村大底世間幽獨景最闌詩思與離魂

過漢口

濁世清名一槩休古今翻覆剩堪愁年年春浪來巫  
峽日日殘陽過沔州居雜商徒偏富庶地多詞客自  
風流聯翩半 騰騰過不在魚船即酒樓

惜花

願言未偶非高卧多病無憐選勝遊一夜雨聲三月  
盡萬畝人事五更頭年踰弱冠即為老節過清明却  
似秋應是西園花已落滿溪紅片向東流



及第過堂日作

早隨真侶集蓬瀛閭闔門開尚見星龍尾樓臺迎曉  
日鰲頭宮殿入青冥暗驚凡骨昇仙籍忽訝麻衣謁  
相庭百辟欽容開路看片時輝赫勝圖形

夏課成感懷

別離終日心怱怱五湖烟波歸夢勞淒涼身事再謀  
畢渡落生涯秋風高居世無媒多困踰昔賢因此亦  
號咷誰憐愁苦多哀改未到潘年有二毛

離家第二日却寄諸兄弟

塞簾日出時今辰初恨間容輝千行淚激傍人

感一點心隨健步歸却望山南空黯黯迴看僮僕亦  
依依定知兄弟高樓上遙指征途羨鳥飛

遊江南水陸院

早於喧雜是深憊猶恐行藏墜俗流高寺懶為攜酒  
去名山長恨送人遊闕河見月空垂淚風雨看花欲  
白頭除却祖師心外法浮生何處不堪愁

江南送別

江南行止忽相逢江館棠梨葉正紅一笑共嗟成往  
事半酣相顧似衰翁關山月皎清風起送別人歸野  
渡空大抵多情應已老不堪歧路數東西

格卑

格卑常恨足牽仍欲學亡情盡不能入意雲山輸盡  
匠動人風月羨琴僧南朝俊潔推弘景東晉清狂數  
季鷹惆悵後塵流落盡自拋懷抱醉情騰

冬日

蕭條古木銜斜日威瀝晴寒滯早梅愁處雪相連野  
起靜時風竹過墻來故人每憶心先見新酒偷嘗手  
自開景狀入詩兼入畫言情不盡恨無才

再止廟居

去值秋風來值春前時今日共銷菟頰垣古栢疑山  
觀高柳鳴鴉似水村菜甲未齊初出葉樹陰方合掩  
重門幽深凍餒皆推分靜者還應為討論

老将

折槍黃馬倦塵埃掩耳凶徒怕疾雷雪窖酒酣偷號  
去月明衣冷斫營迴行驅貔虎披金甲立聽笙歌擲  
玉盃坐久不須輕矍鑠至今雙臂硬弓開

邊上看獵贈元戎

繡簾臨曉覺新霜便遣移厨校獵場燕卒鐵衣圍漠  
相魯儒戎服從梁王搜山閃閃旗頭遠出樹斑斑豹  
尾長贊獲一連朔漢賀杯環騎舞優倡軍迴野靜



秋天白角怨城遙晚照黃紅袖擁門持燭炬解勞令  
夜宴華堂

余自刑部負外郎為時權所擠值盤石出鎮藩  
屏朝選賓佐以余充職掌記鬱鬱不樂因成長

句寄所知

正叨清級忽從戎况與燕臺事不同開口謾勞矜道  
在撫膺唯合哭途窮操心未省趨浮俗點額尤慙自  
至公他日陶甄尋墜履滄洲何處覓漁翁

北齊二首

任道驕奢必敗亡且將繁盛悅嬪嬙幾千奩鏡成樓

柱六十間雲號殿廊後主獵迴初按樂胡姬酒醒更  
新粧綺羅堆裏春風畔年少多情一帝王

神器傳時異至公敗亡安可怨恣恣犯寒獵士朝頻  
戮告急軍書夜不通并部義旗遮日暗鄴城飛焰照  
天紅周朝將相還無體寧死何須入鐵籠

寄京城親友二首

苦吟看墜葉寥落共天涯壯歲空為客初寒更憶家  
雨墻經月蘚山菊向陽花因味碧雲句傷哉後會賒

其二

相思凡幾日日欲詠離衿直得吟成病終難狀此心

解衣悲緩帶搔首悶遺簪西嶺斜陽外潛疑是故林

野寺

野寺看紅葉縣城聞擣衣自憐癡病猶共賞心違

高閣正臨夜前山應落暉離情在烟鳥一作遙入故

關飛

吳郡懷古

主暗臣忠枉就刑遂教強國醉中傾人亡建業空城  
在花落西江春水平萬古壯夫應抱恨至今詞客盡  
傷情徒勞鐵鏃長千尺不覺樓船下晉兵

守愚

深院寥寥竹蔭廊披衣欵枕過年若守愚不覺世途  
險無事始知春日長一畝落花園隙地半竿濃日界  
空牆今來自責趨時懶翻恨松軒書滿床

村居

二月三月雨晴初舍南舍北唯平蕪前惟入望盈千  
恨勝景牽心非一途日照神堂聞啄木風含社樹叶  
提壺行看旦夕梨霜發猶有山寒傷酒壚

離家

八月初長夜千山第一程款顏唯有夢悲泣却無聲  
祖席諸賓散空郊匹馬行自憐非達識局促為浮名



秋雨內宴

一帶清風入畫堂  
撼真珠箔碎玳瑁  
更看檻外霏霏  
雨似勸須教醉玉觴

寒食日沙縣雨中看蒿薇

何處遇蒿薇  
殊鄉冷節時  
雨聲籠錦帳  
風勢偃羅幃  
通體全無力  
醜顏不自持  
綠疎微露刺  
紅密欲藏枝  
愜意馮欄久  
貪吟放盞遲  
旁人應見訝  
自醉自題詩

地爐

兩星殘火地爐畔  
夢斷背燈重擁衾  
側聽空堂聞靜響  
似敲疎磬裊清音  
風燈有影隨籠轉  
臘雪無聲逐

夜深禪客釣翁徒  
自好那知此際湛然心

隰州新驛贈刺史

賢侯新換古長亭  
先定心機指頽成  
高義盡招秦逐客  
曠懷偏接魯諸生  
萍蓬到此銷離恨  
鶯雀飛來帶喜聲  
却笑昔賢交易極  
一開東閣便垂名

草書屏風

何處一屏風  
分明懷素蹤  
雖多塵色染  
猶見墨痕濃  
恠石奔秋澗  
寒藤掛古松  
若教臨水畔  
字字恐成龍

永明禪師房

景色方妍媚  
尋真出近郊  
寶香爐上爇  
金磬佛前敲



蔓草稜山徑晴雲拂樹稍  
支公禪寂處時有鵲來巢  
登樓有題

暑氣簷前過蟬聲樹杪交  
待潮生浦口看雨過山坳  
才見蘭舟動仍聞桂楫敲  
寧雲朱檻好終觀鳳來巢

朝退書懷

鶴帔星冠羽客裝  
寢樓西畔坐書堂  
山禽養久知人喚  
窓竹葉多漏月光  
粉壁不題新拙惡  
小屏唯錄古篇章  
孜孜莫患勞心力  
富國安民理道長

元夜即席

元宵清景亞元正  
絲雨霏霏向晚傾  
桂兔韜光雲葉砌  
燭光銜耀月輪明  
相空但仰如膏潤  
綺席都忘滴砌聲  
更待今宵開霽後  
九衢車馬未妨行

大慶堂賜宴元璫而有詩呈越王

非為親賢展綺筵  
恒常寧敢恣遊盤  
綠搓楊柳綿初軟  
紅暈櫻桃粉未乾  
谷鳥乍啼聲似澁  
甘霖方霽景猶寒  
笙歌風緊人酣醉  
却遠珍叢爛熳看

又和

櫻桃花下會親賢  
風遠鳥轉露盤蝶  
下粉牆梅乍拆  
蟻浮金掌酒難乾  
雲和緩奏泉聲咽  
珠箔低垂水影寒  
狂簡斐然吟咏足  
却邀群彥重吟看



再和

我有嘉賓宴作歡  
畫簾紋細鳳  
雙盤影籠沼  
止脩篁  
密聲透  
笙歌羯鼓乾  
散後便依書  
篋寐渴來  
潛想玉  
壺寒  
櫻桃零落  
紅桃媚  
更俟旬餘  
共醉看

重和

冷宴殷勤展小園  
舞綃柔軟  
絲虬盤  
蓼花盡  
日疑頭  
重病酒經宵  
覺口乾  
嘉樹倚樓  
青鎖暗  
晚雲藏  
雨碧  
山寒  
文章天子  
文章別  
八米盧  
卽未可看

御製春遊長句

天意分明道已光  
春遊嘉景勝  
仙鄉  
玉爐烟直  
風初  
靜  
銀漢雲銷  
日正長  
柳帶似眉  
全展  
綠杏苞如  
臉半  
開香黃鶯  
歷歷啼  
紅樹  
紫鶯闐闐  
語盡  
梁低  
檻晚晴  
籠翡翠  
小池波暖  
浴鴛鴦  
馬嘶  
廣陌  
貪新  
草人  
醉花  
隄怕  
夕陽  
比屋  
管絃呈  
妙曲  
連營  
羅綺闐  
時粧  
全吳  
霸越  
千年後  
獨此昇平  
顯萬方

余作探使以繚綾手帛子寄賀因而有詩

解寄繚綾小字封  
探花筵上  
映春叢  
黛眉印在  
微微  
綠檀口  
消來  
薄薄  
紅綆  
處直  
應心  
共繫  
研時  
兼恐  
汗  
先融  
帝臺  
春盡  
還東去  
却繫  
裙帶  
伴雪胸

別錦兒

及第後出京別  
錦兒與蜀奴

一尺紅綃一首詩贈君相別兩相思畫眉今日空留  
語解佩他年更可期臨去莫論交頸意清歌休着斷  
腸詞出門何事 惆悵曾夢良人折桂枝

閑步

莊南縱步遊荒野獨鳥寒烟輕惹惹傍山疎雨濕秋  
花僻路淺泉浮敗果樵人相聚指鷺磨牧童四散收  
嘶馬一壺傾盡未能歸黃昏更望諸峰火

乾寧三年丙辰在奉天重圍作

仗劍夜巡城衣襟滿霜霰賊火遍郊坰飛焰侵星漢  
積雪似空江長林如斷岸獨凭女牆頭思家起長嘆

雨中

青桐承雨聲聲聲何重疊疎滴下高枝次打欵低葉  
鳥濕更梳翎人愁方拄頰獨自上西樓風襟寒帖帖

與僧

江海扁舟客雲山一衲僧相逢兩無語若箇是南能

晚岸

揭起青簾上岸頭野花和雨冷脩脩春江一夜無波  
浪拔得行人分外愁

仙山

一柱心香洞府開偃松皴澁半莓苔水清無底山如



削始有仙人騎鶴來

過茂陵

不悲霜露但傷春孝理何因感北民  
景帝龍髯消息斷異香空見李夫人

曲江秋日

斜煙縷縷鷺鷥樓藕葉枯香折野泥有箇高僧入  
似圖畫把經吟立水塘西

流年

三月傷心仍晦日一春多病更陰天  
雄豪亦有流年恨況是離魂易黯然

高山道中

雲橫峭壁水平鋪渡口人家日欲晡  
却憶往年看粉本始知名畫有工夫

詠燈

高在酒樓明錦幕遠隨漁艇泊煙江  
古來幽怨皆銷骨莫向長門背雨窻

招隱

立意忘機機已生可能朝市汙高情  
時人未會嚴陵志不釣鱸魚只釣名

雨村

雁行斜拂雨村樓  
簾下三  
暮一鈎倚柱不知身半  
濕黃昏獨自未回頭

使風

茶煙睡覺心無事  
一卷黃庭在手中  
欵枕卷簾江萬  
里舟人不語滿帆風

阻風

平生情趣羨漁師  
此日煙江悵所思  
肥鱖香粳小艇  
艤斷腸滋味阻風時

并州

戍旗青草接榆關  
雨裏并州四月寒  
誰會憑闌潛忍

淚不勝天際似江干

夏夜

猛風飄電黑雲生  
霎霎高林簇雨聲  
夜久雨休風又  
定斷雲流月却斜明

闌干

掃花雖恨夜來雨  
把酒却憐晴後寒  
吳質謾言愁得  
病當時猶不凭闌干

以庭前海棠梨花一枝寄李十九負外

二月春風澹蕩時  
旅人虛對海棠梨  
不如寄與星郎  
去想得朝回正畫眉



驛樓

流雲溶溶水悠悠故鄉千里空回頭三更獨凭闌干  
月淡滿關山孤驛樓

頻訪盧秀才

盧時在選末

藥訣碁經思致論柳膏蓮臉本忘情頻頻強入風流  
坐酒肆應疑阮步兵

春恨

殘夢依依酒力餘城頭鴨鴉一作伴啼鳥平明乍卷  
西樓幕院靜初聞放鞦韆

答友人見寄酒

雖可忘憂矣其如作病何淋漓滿襟袖更發楚長歌

野釣

細雨桃花水輕鷗逆浪飛風頭阻歸棹坐睡倚蓑衣

曲江晚思

雲物陰寂歷竹木寒青蒼水冷鴛鴦立煙月愁昏黃

贈友人

莫嫌談笑與經過却恐閑多病亦多若遣心中無一  
事不知爭奈日長何

半睡

眉山暗淡向殘燈一半雲鬟墜枕後四體着人嬌欲

法自家揉損研繚綾

已涼

愁多却訝天涼早  
思倦翻嫌夜漏遲  
何處山川孤館  
裏向燈檠盡一雙眉

翰林集

香奩集序

余溺章句信有年矣誠知非士大夫所為不能忘情  
天所賦也自庚辰辛巳之際迄己丑庚子之間所著  
歌詩不啻千首其間以綺麗得意者亦數百篇往往  
在士大夫口或樂工配入聲律粉牆椒壁斜行小字  
竊咏者不可勝記大盜入關細袂都墜遷徙不常厥  
居未生草莽之中豈復以吟咏一作為意或天涯逢  
舊識或避地遇故人醉咏之暇時及拙唱自爾鳩輯  
復得百篇不忍棄捐隨即編錄遐思宮體未解稱庾  
信攻文却誚玉臺何必使徐陵作序粗得捧心之態



香齋集序  
幸無折齒之慚柳巷青樓未嘗糠粃金閨繡戶始預  
風流咀五色之靈芝香生九竅咽三危之瑞露美一作  
春動七情若有責其不經亦望以功掩過玉山樵人  
韓致堯序

香廬集

翰林學士承旨行尚書戶部侍郎知制誥韓偓字致堯

幽窻

刺繡非無暇幽窻自日本日妙歡手香江橘嫩齒軟越  
梅酸蜜約臨行怯私書欲報難無憑諳離語猶得整  
心寬

江樓二首

夢啼嗚咽覺無語杳杳微微望烟浦樓空客散舊交  
飛江靜帆飛日亭午

鯉魚若筍香味新楊花酒旗三月春風花百計牽人

光



老爭奈多情足病身

春盡日

樹頭春初本作日照西簷樹底萼花夜雨沾外院池亭

聞動鎖後堂闌檻見垂簾柳絮入戶風斜倚榆莢堆

牆水半淹把酒送春惆悵在年年三月病厭厭

咏燈

高在酒樓明錦幕遠隨漁艇泊煙江古來幽怨皆銷

骨休向長門背雨窓

別緒

別緒靜悄悄牽愁暗入心已迴花渚棹悔聽酒壚琴

菊露淒羅幙梨霜惻錦衾此生終獨宿到死誓相尋

月好知何計歌闌歎本作不禁山巔更高處憶上上

頭吟

見花

寒裳擁鼻正吟詩日午牕頭獨見時血染蜀羅山蹠

躑內紅宮錦海棠梨因狂得病真閑事欲咏無才是

所悲看却東本作風歸去也爭教判得最繁枝

馬上見

騎馬錦連乾來騎是謫仙和裙穿玉鐙隔袖把金鞭

去帶情騰醉婦成本作困頓眠自憐輸廐吏餘暖在

香齋

遠廊

濃煙隔簾香滿泄斜燈映竹光參差遠廊倚柱堪惆  
悵細雨輕寒花落時

屐子

方寸膚圓光緻緻白羅繡綠紅托本作花裏南朝天子  
欠風流却重金蓮輕綠齒

青春

眼意心期卒未休暗中終擬約秦樓光陰負我難相  
偶情緒牽人不自由遙夜定嬾香敲膝悶心時本作應

美玉搔頭櫻桃花謝梨花發腸斷青春兩處愁

聞雨

香侵蔽膝夜寒輕聞雨傷春夢不成四羅帳四垂花本作  
紅燭背玉釵敲着枕函聲

懶起

百舌喚朝眠春心動幾般枕霞紅暗淡粉玉闌珊  
籠繡香煙歇屏山燭焰殘暖嬾羅襪窄瘦覺錦衣寬  
昨夜三更雨臨朝本作臨朝又今朝一陣寒海棠花在不  
例  
卧捲簾看

已涼



碧欄干外繡簾垂  
猩血屏風畫折本作枝  
八尺龍鬚  
方錦褥已涼  
天氣未寒時

欲去

紛紛隔窻語  
重約踏青期  
本作得相逢  
處無非欲  
本作非去時恨  
深書不盡  
寵極意多疑  
惆悵桃源路  
惟教夢寐知

橫塘

秋深灑背入簾霜  
鳳脰燈青照洞房  
蜀紙麝煤添筆  
興本作越甌犀液  
發茶香  
風飄亂點更籌轉  
拍送繁  
絃曲破長散  
客出門斜月  
在兩眉  
愁思向本作問橫塘

聯綴辭

院宇秋明日日長  
社前一鴈列本作別  
遼陽隴頭針線  
年年事不喜寒砧  
搥斷腸

夜深

清江碧草兩悠悠  
各自風流一種愁  
正是落花寒食  
夜夜深無伴  
倚南本作空樓

六言三首

春樓處子傾城  
金陵狎客多情  
朝雲暮雨會合  
羅襪繡被逢迎  
華山梧桐相覆  
蠻江葦菴連生  
幽款不盡  
告別秋河悵望  
平明

一燈前雨落夜三月盡草青時半寒半暖正好花開  
花謝相思惆悵空教夢見懊惱多成酒悲紅袖不乾  
誰會揉損聯娟淡眉

此間青草更遠不唯空遠汀洲那裏朝日才出還應  
先照西樓憶淚因成恨淚夢遊嘗續心將桃源洞口  
來否絳節霓旌久留

哭花

曾愁香結破顏遲今見妖紅委地時若有情爭不  
哭夜來風雨葬西施

重游曲江

鞭稍亂拂暗傷情踪跡難尋露草青猶是玉輪曾碾  
處一泓溪本作秋水本作漲浮萍

遙見

悲歌淚濕淡胭脂閑立風吹金縷衣白玉堂東遙見  
後本作令人陟薄本作許泊畫楊妃

新秋

一夜清風動扇愁背時容色入新秋桃花臉裏汪汪  
淚忍到更深枕上流

宮詞

繡裙斜立正銷魂侍女移燈掩殿門鶯子不來本作



花著雨春風應自是本作怨黃昏

踏青

踏青會散欲歸時金車久立頻催上收裙整髻故遲留兩點深心各惆悵

夜深

本題寒食夜

側側輕寒剪剪風杏花本作飄雪小桃本作杏花紅夜深斜搭秋千索樓閣朦朧煙雨中

夏日

庭樹新葉未成玉階人靜一蟬本作下簾聲相風不動烏龍睡時有嬌鶯本作幽禽自喚名陰

新上頭

學梳鬆本作髮試新裙消息佳期在此春爲要本作好多心轉惑遍將宜稱問傍人

中庭

夜短睡遲慵早起日高方始出紗窓中庭自摘青梅子先向釵頭戴一雙

咏浴

再整魚犀攏翠簪解衣先覺冷森森教移蘭燭本作頻羞影自試香湯更怕深初似洗花難抑按終憂本愁沃雪不勝任豈知侍女羞帷外賸取君王幾餅金

席上有贈

矜嚴標格絕，嬉猜嗔怒難。逢笑靨開小，鴈斜侵眉柳。  
去婦霞橫接眼波，來鬢垂香頸。雲遮藕粉，着蘭骨雪。  
壓梅莫道風流無，宋玉好將心力事粧臺。

早歸

去是黃昏後，歸當朧眈時。披衣吟宿醉，風露動相思。

玉合雜言

羅囊繡兩鳳，風玉合雕雙。鴻鵠中有蘭膏漬，紅豆每  
迴拈着長相憶。長一本無相憶經幾一本無春人，悵望香  
氤氳開絨，不見新書跡。帶粉猶殘舊淚，指本作痕

金陵雜言

風雨蕭蕭石頭城，下木蘭橈煙月迢迢。金陵渡口去  
來本作未去潮自古風流，皆暗銷才魄。本作鬼妖魂誰與招，  
錦牋麗句今已矣。羅襪金蓮何寂寞。

懶卸頭

侍女動粧奩，故故驚人睡。那知本未眠，背面偷垂淚。  
嬾卸鳳凰釵，羞入鴛鴦被。時復見殘燈和煙墜，金穗

倚醉

倚醉無端尋舊約，却本作那憐本作今惆悵轉難勝。靜中  
樓閣深春本作春深雨，遠處簾櫳半夜本作夜燈。抱柱立時



風細細遠廊行處思騰騰分明窓下聞裁剪敲徧聞  
千喚不應

咏手

腕本作白膚紅玉笋芽調琴抽絃露尖斜背入細撚

垂眉髮向鏡輕勻襯臉霞悵望昔逢寒繡幔本作依

稀曾見托金香本作車後園咲向同行道摘得蘼蕪又

摘花本作

荷花

純本作扇相款綠香囊獨立紅浸淫因重露狂暴是

秋風逸調無人唱秋塘每夜空何由見周昉移入畫

屏中

鬆髻

鬆根鬆慢玉釵垂指點花枝本作又過時坐久暗

暗坐生惆悵事本作人勻却淚暗

半夜

板閣數鐫後至今猶酒悲一宵相見事半夜獨眠時

明朝窓下照應有髮本作如絲

寄遠 在歧口作

眉如半月雲如鬢梧桐葉落敲井闌孤燈亭亭公署  
寒微霜淒淒客衣單想美人芳雲一端夢竟悠悠關

山雞空房展轉懷悲酸銅壺漏盡聞木作金鸞

信筆

睡昏休頻攏春眉思更長整釵梳子重泛酒菊花香  
繡奩昏金色羅揉損研光有時閑弄筆亦畫兩鴛鴦

寄恨

秦釵枉斷長條玉蜀紙虛留小字紅死恨物情難作  
無會處蓮花不肯嫁東風

擁鼻

擁鼻悲吟一向愁寒更轉盡未回頭綠屏無睡秋分  
簾紅葉傷時月午樓却要因循添逸興若爲趨競愴

離憂慙慙憑仗官渠水爲到西溪動釣舟

蹤跡

東烏西兔似車輪劫火桑田不復論唯有風光與蹤  
跡思量長是本作是夢暗銷魂

病憶

信知尤物必牽情一顧難酬覺命輕曾把禪機銷此  
病破除才盡又重生

妬媒

洞房深閉不曾開橫臥烏龍作妬媒好鳥豈勞魚比  
翼異花何必更重臺難留旋逐鶯嗔去暫見如隨急



電來多為過防成後悔偶因翻語得深猜已嫌刻蠟  
春宵短最恨鳴珂曉鼓催應嘆楚襄仙分薄日中長  
是獨徘徊

畫寢

碧梧陰靜隔簾櫳扇拂金鴉玉簟烘撲粉更添香體  
滑解衣微見下裳紅頰襟乍觸冰壺冷倦枕徐款寶  
簪鬆何必苦勞魂與夢玉昌只在此墻東

意緒

絕代佳人何寂寞梨花未發梅花落東風吹雨入西  
園銀線千條度虛閣臉粉難勻蜀酒濃本作紅口脂易

印吳綾薄嬌饒意態不勝本作能羞願倚卽有永相着

惆悵

自情長在暗相隨生魂一作魚隨君君豈知被頭不暖  
空沾淚釵股欲分猶半疑朗月清風難愜意詞人絕  
色多本作傷離何如飲酒連千本作年醉席地幙天無  
所知

思笑

宮樣衣裳淺畫眉晚來梳洗更相宜水精鸚鵡釵頭  
顛舉本作飲袂伴羞思咲時

不見

動靜防閑又怕疑  
佯佯脉脉是深機  
此身願作君家  
鶯秋社歸時也不歸

咏柳

象雨拖風不自持  
全身無力向人垂  
玉纖折得送相  
贈便似觀音手裡時

半睡

眉山暗淡向殘燈  
一半雲鬟墜枕稜  
四體着人嬌欲  
泣自家揉碎研絲綾

密意

呵花貼鬢粘寒髮  
趁酥光透猩猩血  
經過洛水幾多

人唯有陳王見羅襪

偶見

秋千打困解羅裙  
指點醞酬酒一樽  
見客入來和笑  
走手搓梅子映中門

寒食夜有見本作寄

風流大抵是依偎  
此際相思必斷腸  
雲薄月昏寒食  
夜隔簾微雨杏花香

故崔輔國體四首

淡月照中夜  
海棠花自落  
獨立倚闌堦  
風動秋千索

其二



而後碧苔院霜來紅葉樓閣塔上斜日鸚鵡伴人愁

其三

酒力滋睡昨齒芬闌街鼓欲明天本作花更寒東風打

窓雨

其四

羅幕生春寒繡窓愁未眠南湖一夜雨本作南湖雨應濕

採蓮船

後魏時相州人作李波小妹歌疑其未備因補

之

李波小本作少妹字雍容窄衣短袖蠻錦紅未解有情

夢梁殿本作亮何曾自媚姑吳宮本作誰教引知酒味

因令悵望成春慵海棠花下秋千畔背人撩鬢道匆

匆

春書

春融艷艷大醉陶陶漏添遲日箭減良宵藤垂戟戶

柳拂河橋羞幘鶯子池塘百勞虜清臂瘦衫薄香消

楚殿衣窄南朝碧高河陽縣遠清波池本作地送絲纒

露泣各自無慘

三憶

憶賦時春夢因勝勝展轉不能起玉釵垂枕稜憶行

時背手按金雀欽笑慢回頭步轉闌干角憶去時向  
月遲遲行強語戲同伴鬪即聞笑聲

思錄舊詩於卷上凄然有感因成一章

緝綴小詩鈔卷裏尋思閑事到心頭自吟自泣無人  
會腸斷蓬山第一流

春閨二首

顛結交加夢因傾潑灑尊醒來情緒惡簾外正黃昏

其二

氤氳帳裏香薄薄睡時鞋長吁解羅帶怯見上空牀  
代小玉家為蕃騎所虜後寄故集賢裴公相凶

動天金鼓逼本一作發神州惜別無心學墜樓不得迴眸

辭傅粉本一作謝傅便須含淚對本一作到殘秋折釵伴妾埋青

塚半鏡隨郎葬杜郵唯有此本一作他宵魂夢裏慙慙相

覓鳳城頭

薦福寺講筵偶見又別

見時濃日平別處暮鐘殘景色疑春盡襟懷似酒闌  
兩情含春戀一餉致辛酸夜靜長柳下難尋後齒看

復偶見三絕

霧為襟袖玉爲冠半似羞人半忍寒別易會難長自  
歎轉身應把淚珠彈



桃花臉薄難藏淚，柳葉眉長易覺愁。密跡未成當面  
笑，幾回掩眼又低頭。  
半身映竹輕開語，一手揭簾微轉頭。此意別人應未  
覺，不勝情緒兩風流。

厭花落

厭花落人寂寞，果樹成陰燕翅齊。西園永日閑高閣，  
後堂夾簾愁不捲。低頭悶把衣襟撚，忽然事到心中  
來。四肢嬌入茸茸眼也，曾同在華堂宴，佯佯攏鬢偷  
回面。半醉狂心忍不禁，分明一任傍人見。書中說却  
平生事，猶疑未滿情。卽意錦囊封了，又重開夜深窻。  
下燒紅紙紅紙千張言不盡，至誠無語傳心印。但得  
鴛衾枕臂眠也，任時光都一瞬。

春閨偶成十二韻

阡陌懸雲壤，開畦隔艾芝。路遙行雨懶，河澗過橋遲。  
鴈足應難達，狐踪浪得疑。謝鯤吟未廢，張碩夢堪思。  
有意通情處，無言攏鬢時。格高歸飲笑，歌怨在顰眉。  
醉後金蟬重，歡餘玉燕歌。素姿凌白素，圓頰請紅梨。  
粉字題花筆，香牋味柳詩。繡窻攜手約，芳草踏青期。  
別淚開泉脉，春愁冒藕絲。相思不相信，幽恨更誰知。  
想得本題再青春。

香齋集  
兩重門裏玉堂前寒食花枝月午天想得那人垂手  
立嬌羞不肯上秋千

偶見背面是夕兼夢

酥凝背胛玉搔眉輕薄紅綃覆白蓮此夜分明來入  
夢當時惆悵不成眠眼波向我無端艷心火因君特  
地然莫道人生難際會秦樓鸞鳳有神仙

五更

秋雨五更頭桐竹鳴騷屑却似殘春聞斷送花時節  
空樓雁一聲遠屏燈半滅繡被擁嬌寒眉山正愁絕

南浦

月若半環雲若吐本作上高樓簾捲當南浦應是石城  
艇子來兩橈伊啞過花塢正值連宵酒未醒不宜此  
際兼微雨直教竿底有文星亦應難狀分明苦

深院

鴉兒啼曉梳黃嘴鳳子輕盈膩粉腰深院下簾人盡  
寢紅蒿薇架本作映碧芭蕉

閨情

輕風滴磔動簾鉤宿酒酣懶卸頭但覺夜深花有露  
不知人靜本作盡月當樓何卽燭暗誰能詠韓壽香燧  
亦任偷敲折玉釵歌轉咽一聲樣本作入兩眉愁猶



半睡

攪鏡仍嫌重更衣又怕寒宵分未歸帳半睡待郎看  
寒食重游李氏園亭有懷

往年同在鸞橋上見倚朱欄詠柳綿今日獨來

鸞本作鸞

香徑裏更無人跡有苔錢傷心澗別三千里屈指思  
量四五年料得他鄉遇佳節亦應懷抱暗淒然

兩處

樓上淡山橫樓前澗水清憐山又憐水兩處總牽情

有憶

畫漏迢迢夜漏遲本作移傾城消息杳無期愁腸泥酒

人千里淚眼倚樓天四垂自咲計狂多獨語誰怜夢  
好轉相思何時斗帳濃香裏分付東風與玉兒

閨恨壬申年在南安縣作

時光潛去暗淒涼懶對菱花暈曉粧初折秋千人寂  
寞後園青草任他長

哀卿丁卯年作

哀卿腰肢淡薄粧六朝宮樣窄衣裳著詞整見本作近

櫻桃破飛盞遙聞豔蕊香春惱情懷身覺瘦酒添顏  
色粉生光此時本作心不敢分明道風月應知暗斷腸

多情庚午年在桃林場作

天遣多情不自持，多情兼與病相宜。  
蜂偷野蜜初嘗處，鶯啄含桃欲咽時。  
酒蕩襟懷微駭職，春牽情緒更本作融怡。  
水香剽貯金盆裏，瓊樹長須浸一枝。

偶見

千金莫惜早蓮生，一咲從教下蔡傾。  
仙樹有花難問種，御香聞氣不知名。  
愁來自覺歌喉咽，瘦去誰憐舞掌輕。  
小疊紅牋書恨字，與奴方便送卿卿。

筒僮

甚感慙慙意，其如阻礙何。  
隔簾窺綠齒，映柱送橫波。  
老大蓬知少，襟懷暗喜多。  
因傾一樽酒，聊以慰蹉跎。

荔枝三首

福州作

遐方不許貢珍奇，密詔惟教進荔枝。  
漢武碧桃爭比得，枉令芳朔號偷兒。

封開玉籠雞冠蕊，葉襯金盤鶴頂鮮。  
想得佳人微啓齒，翠釵先取一雙懸。

巧裁絳片裹神漿，崖密天然有異香。  
應是仙人金掌露，結成冰入萬羅囊。

余辛酉年戲作無題十四韻，故太常王公相國首於結和，故內翰吳侍郎融令孤舍人渙閣下劉舍人崇警史却玉負外渙相次屬和，余因作



第二首却寄諸公二內翰及小天亦再和余復  
作第三首二內翰亦三和王公一首劉紫微一  
首王小天二首二學士各三首余又倒押前韻  
成第四首二學士笑謂余曰謹監降旗何朱研  
若是也遂絕筆是歲十月末余在內直一旦兵  
起隨駕西狩文臺咸棄更無子遺丙寅年九月  
在福建寓止有前東都度支院蘇暉端公挈余  
淪落詩臺見授中得無題一首因追味舊作缺  
亡甚多唯第二首第四首髣髴可記其三首才  
得數句而已今亦依次編之以俟他時偶獲全

本餘五人所和不復憶者矣

無題第一

小檻移燈地空房鎖隙塵額波風盡日簾押月侵晨  
香辣更衣後釵梁攏鬢新吉音聞詭計醉語近天真  
粧好方長歎歡餘却淺嘲繡屏金作屋絲幃玉為輪  
致意通綿本作絲竹精誠託錦鱗歌疑眉際恨酒發臉  
遊春溪紵殊傾越樓簫豈羨秦柳虛擗沴氣梅實引  
芳津樂府降清唱宮厨減食珍防閑襟併飲恣妬淡  
休勻宿飲愁縈夢春寒瘦着人手持雙豔蕊的的為  
東隣



第二

碧瓦偏光日紅簾不受塵柳昏連綠野花爛熳清晨  
 書密偷看數情通破體新明言終未實暗祝始底真  
 枉道媿偷藥推誠鄙效顰合成雲五色本作宜作本  
在日中輪香爐 獸金塗爪釵魚玉縷鱗渺瀰三島  
 浪平遠一樓春墮墜還名壽修娥本姓秦棹尋聞犬  
 洞槎入飲牛津麟脯隨重釀霜鱗本作華 問八珍錦囊  
 霞彩爛羅襪研光勻羞澁伴牽伴嬌饒欲泥人偷兒  
 難捉搦慎莫共比鄰

第三

紫蠟融花蒂紅綿試本作拭鏡塵夢狂翻惜夜粧懶厭  
 凌晨萬袖啼本作香痕數香牋墨色新從此不記

第四倒押前韻

查下同歸本作路烏衣枉作隣珮聲猶隔箔香氣已  
 迎人酒勸盃須滿書羞字不勻歌憐黃竹怨味寶碧  
 桃珍剪燭非良策當開是要津東阿初渡雉楊慚舊  
 家秦粉化橫波溢衫輕曉霧春鴉黃雙鳳翅麝月半  
 魚鱗別袂翻如浪四腸轉似輪後期才注脚前事又  
 含頰縱有才難詠寧無畫逼真天香聞更有瓊樹見  
 長新闌草常更僕迷闌悞達晨嗅花判不得檀泣本作



注惹風林作塵

曲子浣溪沙二首

攏髻新妝玉步搖背燈初解繡裙  
香枕寒衾暖本作冷  
異香焦 深院不闌春寂寂  
落花和雨夜迢迢恨情  
殘醉却無聊

宿醉離愁慢鬢鬟六銖衣薄惹輕寒  
慵紅悶翠揜青鸞  
羅襪况兼金齒昔雪肌仍是玉琅玕  
骨香腰細更沉檀

黃蜀葵賦

色配中央心傾太陽布葉近臨本作隣  
於玉砌移根遠

自於銅梁萼綠華未見楊義冠  
簪駛杜蘭香喜逢張碩中  
帔飄揚銀漢之星璣本作機  
欲睹金臺之漏箭初長  
動人妖艷馥鼻生香千里  
鵲雖濫得名於太液三秋  
菊葉虛長價於柴桑送日  
微因迎風欲翔周昉神疲  
吮筆而深慚思拙江淹色  
退本作沮擘牋而所恨才荒  
蝶翅堪憎蜂鬚可妬幾多  
之金粉遭竊一點之檀心  
未許一作被汚何須逼視漢人主本作夫人  
之鴛鴦多羞不待含情一作貪鹽  
晉天子之羊車自駐激電  
寒暄跳丸烏兔得不淹留  
深勞顧慕懊恨本作慙  
張京兆唯持桂一作桂葉  
添眉悵望齊東昏却把蓮花  
襯步騷人易老



絕色多愁曷忍在綺窓側畔唯當居繡戶前頭目斷  
猶駐魂銷未收映葉而似擊歌扇倦闌而若墮粧樓  
感荀倩本作之慙慙誓無絨著怨謝鯤之強暴未近  
風流清且鶯啼黃昏客散鶴頸兮長引猿腸兮屢斷  
攀條立處林鳥應笑於後栖歎枕看時梁燕或聞於  
長嘆已而已而正醉賦於東籬襲畔本作只有醉於  
叢畔本作正有

醉賦於  
紅芭蕉賦

瞥見紅蕉魂隨魄消陰火與朱華共映神霞將日脚  
相燒謝家之麗句難窮多烘繭紙雒浦之下裳頻換

刺染鮫綃鶴頂儘

本作

作雞冠詎擬蘭泥

本作露以

殊忝楓經霜而莫比趙飛燕一作合德裙間一點願同白

玉唾壺鄧夫人額上微旋却頓水精如意森森巖巖

脉脉亭亭借玉之瑳來若指彤雲之剪出如屏燕舌

無端妬含桃而未吐程昌易一作浮蟻以難醒在物無

雙於情可溺橫波接紅臉之艷含貝發朱唇之色僧

虔密炬燦桂棟以難藏潘岳金缸蔽繡幃而不隔大

凡人之麗者必動物物之尤者必移人不言而信其

速如神所以月彩下蠟珠之水梅酸生鶴唳之津寧

關巧運自合天真有影先知無聲以認體疎而意密



跡遠而情近天穿地朽幾人語絕色難逢萬古千秋  
唯我睽紅英不盡

香奩集終

